

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 23-05-2025**

**Mødedato** Fredag d. 23. maj 2025 kl. 17:00

**Mødested** Kommunalbestyrelsep ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Isumaginninnermut Inunnullu Innarluutilinnut Ataatsimiititaq suliat oqaluuserineqartussat pillugit i 2025-mi kvartaalimi siullermi pissaanermik atuisimaneq pillugu nalunaarutininik ilisimatitsissut.....	6
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	8
Suliat assigiinngitsut aqqusaarlugit ataatsimiititaliamiit ilisimatitsissut 2024.....	11
Ingerlatsinermik nakkutilliineq pillugu ilisimatitsissut.....	14
Isumaginnittoqarfimmit inissianut innersuussisarneq pillugu ilisimatitsineq 2024.....	18
Danmarkimi STU-miinnissamut akuersissut.....	22
Nuummi Koefods Skolemut naatsorsuutit ukiumoortumillu nalunaarusiaq 2024.....	25
Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pil	27
Taasariaqartut allat.....	30
Imaqarniliap akuerineqarnera.....	33
	34

## **Punkt .: Saqqaa**

### **Ilaasortat:**

Justus Hansen (D)

Lone Rosengren Pedersen (IA)

Ida Julie Andersen (IA)

Mala Høy Kúko (S)

Laura Tâunajik Uitsatikitseq (S)

### **Beslutning**

#### **Ataatsimeeqataasut:**

Justus Hansen (D), Siulittaasoq

Lone Rosengreen Pedersen (IA), siulittaasup tullia

Ida Julie Andersen (IA)

#### **Attaveqaatitigut peqataavoq:**

Laura Tâunajik Uitsatikitseq (S)

#### **Oqarasuaatsikkut:**

Mala Høy Kúko (S)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.

**Punkt .: Nalunaarutit**

**Beslutning**

# **Punkt 1: Isumaginninnermut Inunnullu Innarluutilinnut Ataatsimiititaq suliat oqaluuserineqartussat pillugit ilisimatitsissut**

## **Beslutning**

Ilisimatitsissut tusaatissatut tiguneqarpoq.

## **Isumaginninnermut Inunnullu Innarluutilinnut Ataatsimiititaq suliat oqaluuserineqartussat pillugit ilisimatitsissut**

Ilisimatitsissut

SagsID.: EMN-2024-02034

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivimmit matumuuna suliassat ataatsimiititami oqaluuserineqartussat, ingerlatsivimmit ataatsimiititamut saqqummiunneqartussat, ilisimatitsissutigineqarput.

Ingerlatsivimmit ataatsimiititaq suliassamik oqaluuserineqartussamik ilisimatinneqassasoq kissaatigineqarpoq, taamaalilluni ataatsimiititami ilaasortat piareersarluarsinnaaniassammata aamma ataatsimiititap ataatsimiinnissaanut ataasiakkaanut oqaluuserisassat aalajangiunneqannginneranni.

Ataatsimiititami oqaluuserineqarnissaannut piffissaliussaq suli aalajangiunneqanngilaq, soorluttaaq immikkoortut allannguuteqarsinnaasut.

Piffissami matumani ingerlatsivimmit suliassat uku ukiup affaani tulliuttumi ataatsimiititami oqaluuserineqartussatut naatsorsuutigineqartut ilisimaneqarput:

- Missingersuutit pillugit isumaqatigiissummi kissaatigineqartoq malillugu suliniutinut sannavimmik pilersitsinissamik piviusunngortitsineq
- Inunnullu innarluutilinnut ataqatigiissaarisartoqatigiit pillugit killiffik/naliliineq
- Siu-Tsiu pillugu ukiumoortumik naliliineq
- Suliat pitsaassusissaasa allaaserineqarnerat 2026

Ataatsimiititami ukiumut arlaleriarluni oqaluuserineqartussat aalajangersimasut, takussutissami ilaatinneqanngillat.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### **Ilanngussat**

Ilanngussaqaanngilaq.

## **Punkt 2: 2025-mi kvartaalimi siullermi pissaanermik atuisimaneq pillugu nalunaarutinik ilisimatitsissut**

### **Beslutning**

Ilisimatitsissut tusaatissatut tiguneqarpoq.

## 2025-mi kvartaalimi siullermi pissaanermik atuisimaneq pillugu nalunaarutininik ilisimatitsissut

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititaq aamma Utoqqarnut Isumassuinnermullu Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Ataatsimiititaq pissaanermik atuineq pillugu nalunaarutininik kvartalikkaartumik ilisimatinneqartarpoq, tassani paasisutissat ilisimatitsissummik nalunaaruteqarnermi immersukkat atorlugit katersorneqartarluuk. Pissaanermik atuisimaneq takussutissaliorneqartarpoq, pissaanermik atuisoqarsimanermut tunngasunik suliaqartoqartillugu innuttaasut sulisullu perorsaaneqartarpoq, pissaanermik atuisoqarsimanermut tunngasunik suliatigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq qulakkeerumallugu.

Utoqqarnut suliassaqaarfimmi nalunaarutiginninnerit

Nalunaarutigineqartut	Piffissami 2025-mi januaarimiit marsimut amerlassusii
§ 38 - Aalajangerlugu tigummininneq imaluunniit allamukaassineq	-
§ 39 - Eqqiluutsuutitsinissamik aalajangiusimasaqarneq	3
§ 43 – Najugarisami tigummisaaneq	-
§ 40 – Ujatsiutaasamik annoraaminermik atuineq	-

Utoqqarnut suliassaqaarfimmi nalunaarutiginninnermik malinnaaffiginninneq Piffissami matumani utoqqarnut suliassaqaarfimmit pissaanermik atuineq pillugu nalunaarutiginninnermik pingasunik tigusaqarpoq ulluni ukunani: 15. februaari, 18. februaari aamma 19. marsi. Taakku pingasut innuttaasumut ataatsimut tunngasuupput pingasuusullu tamarmik inuttut eqqiluisaaneqartarpoq tunngasuullutik. Innuttaasumut pineqartumut pissaanermik atuisinnaaneqartarpoq siumoortumik akuersissummik pissarsinissaq sulissutigineqarpoq.

Inunnullu Innarluutilinnut tarnikkullu nappaatilinnut Immikkoortortaqaarfik pillugu nakkutilliineq Innarluutilinnut tarnikkullu nappaatilinnut Immikkoortortaqaarfik piffissami tassani pissaanermik atuineq pillugu nalunaarutininik tigusaqanngilaq. Taamaattorli oqaatigineqassaaq, innuttaasut annertuumik piginnaasakillimasut paaqqutarineqartariaqartut eqqartorneqartillugit annikinnerusumik pissaanermik atuineq pillugu nalunaarutiginninnerit appasinnerusinnaasut.

### Ingerlatsivimmit aningaasatigut sulisoqarnikkullu naliliinerit

Soqanngilaq.

### Suliffeqaarfimmut Kiffartuussivimmit aningaasatigut naliliineq



Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8 20. november 2022-meersoq

**Ilanngussat**

Ilanngussaqaqanngilaq.

### **Punkt 3: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

#### **Beslutning**

Ilisimatitsissut tusaatissatut tiguneqarpoq.

#### **Bilag**

Suliffissaaleqisut kisitsisaannut takussutissiat

## **Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivimmit suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ingerlaavartumik ilisimatitsissutigineqartarpoq. Matumani ilisimatitsissummi 2025-mi kvartali siullep pineqarpoq. Piffissami tassani illoqarfanni Nuummi, Paamiuni, Tasiilami aamma Ittoqqortoormiini suliffissaaleqisut amerleriaateqarput. Tamanna piffissap taamaalinerani naatsorsutigineqareersimavoq, aammali Majoriap sulisuunit suliffissarsiortunut ikiorsiissutit aamma pisortanit ikiorsiissutit pillugit aqutsinermut Qarasaasiatigut systemit atuutilersinniarneqarneri pingaarnerutinneqarsimaneranik pissuteqarpoq. Systemit sulii kukkunertaqarput, amigaateqarput naleqqutinngitsunillu peqarlutik, taamaattumillu sulisuunit tamakkiisumik eqqumaffigineqartariaqarlutik.

### Kommuneqarfik Sermersuumi suliffissaaleqisut nikerarnerat

Ukiopassuarni Kommuneqarfik Sermersuumi suliffissaaleqisut ikiliartornikooriarlutik 2025-mi kvartali siullermi suliffissaaleqisut amerleriaateqarput. Tamanna suliniutit amigaataanerannik pissuteqarpoq, tassa suliffissarsiortunut ikiorsiissutinik tunniussisarnermik qulakkeerinninneq annertungaarmat suliassanut allanut sulisut piffissaarummata. Suliffissarsiuussisarfimmit, periarfissaqartoqaleqqippat, suliassaqarfimmi suliassat pingaarnerit isumagineqartarnerat pitsaanerulersinneqassaaq, taamaaliornikkullu suliffissaaleqisut amerlassusaat amerliartortut allannqoriartornerat unitsinneqassaaq.

Suliffissarsiuussisarfimmit naatsorsutigineqarpoq, 2025-mi ukiup affaata siulliata ingerlanerani suliffissaaleqisut amerlassusaat aalakkaaneruleqqissasut, tamatumalu kingorna ukiuni 2020 - 2024-mi pissutsinut assingusumik ingerlajumaartoq, tassa suliffissaaleqisut ataatsimut isigalugu ikiliartuinnarumaartut. Suliffissarsiortunut ikiorsiissutit tunniunneqartarnerinut systemi sulisuunit tamakkiisumik eqqumaffigineqarunnaarpata, Majoriamit inatsisit malillugit pingaarnertut suliassat suliniutillu sinneri erngertumik nanginneqarnissaat naatsorsuutaavoq.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffissarsiortunut ikiorsiissutinut aningaasartuutinut aningaasaqarnikkut sulisoqarnikkullu sunniuteqartarput.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**



- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

## **Ilanngussat**

1. Suliffissaaleqisut kisitsisaannut takussutissiat

## **Punkt 4: Suliat assignngitsut aqqusaarlugit ataatsimiititaliamiit ilisimatitsissut 2024**

### **Beslutning**

Ilisimatitsissut tusaatissatut tiguneqarpoq.

# Suliat assigiingitsut aqqusaarlugit ataatsimiitaliamiit ilisimatitsissut 2024

Ilisimatitsissut

SagsID.: EMN-2025-00193

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Suliffeqarnermut Isumaginninnermullu Isumaginninnermut Inunnullu Innarluutilinnut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq


Suliat assigiingitsut aqqusaarlugit ataatsimiititaq (TFU) qaammammut ataasiarluni, siusinaartumik pensionisiaqalernissamut innersuussutit suliariniarlugit, ataatsimiittarpoq. Ataatsimiititamiippat kommunit aamma peqqinnissaqarfimmit sinniisut.

TFU ukiumut ataasiarluni politikikkut ataatsimiititamut suliani pillugit ilisimatitsissuteqartarpoq.

Inuit timikkut, eqqarsartaatsikkut inooqataanikkulluunniit pissutsinik patsiseqartumik inuussutissarsiorsinnaanermikkut ataavartumik appariaateqarsimasut siusinaartumik pensionisianik tunineqarsinnaapput. Siusinaartumik pensionisiat piginnaangorsaareernerup kingornatigut tunniunneqarsinnaapput, piginnaangorsaanermik aallartitsineq siusinaartumik siusinaartumik pensionisiaqarput. Pensioniasiaqalernissamik qinnuteqarneq tunngavigalugu aallartinneqarsimagaluarpuunniit. Pineqartoq toqussutaasinnaasumik nappaateqarpat piginnaangorsaaqqinnissarlu siunertaqanngippat, siusinaartumik pensionisiaqalernissaq ingerlaannartumik akuersissutigineqarsinnaavoq. Inuit 18-inik ukioqalersimasut taamaattorli utoqqalinermi pensionisianik pisartagaqalersinnaangitsut siusinaartumik pensionisianik pisartagaqalersinnaatitaapput.

Kommuneqarfik Sermersuumi siusinaartumik pensionsiallit 2024-mi 1.044-nik amerlassuseqarput. Tabelimi tullinnguuttumi agguataarnerat takutinneqarpoq.

Takussutissaq 1: Siusinaartumik pensionsiallit ukiui najugaqarfiilu agguataarlugit amerlassusii



TFU innuttaasunit killilimmik sulisinnaassusilinnit qinnuteqaatinik amerlasuunik suli tigusaqartarpoq, annerusumillu innuttaasut sapinngisamik amerlasuut suliffeqarfinnut

attuumassuseqarnissaat imaluunniit attuumassuteqalernissaat pingaartillugu qulakkeerniarneqarpoq.


Taamaattorli qulaani takussutissami takutinneqartut, qinnuteqaatiti innuttaasunit utoqqalinersiaqalingajalersunit suli amerlanerit TFU-mit tiguneqartarput. Taamatut ukiullit amerlanersaat tassaapput timimikku, assorornartumik suliffeqareerlutik piginnaasatigut ajoquteqalersimasut, taamaattumik kommunimit allatut ajornartumik siusinaartumik pensioneqalernissaannut innersuunneqartut.

Tabeli 2: Siusinaartumik pensionisiaqalernissamik qinnuteqaatit TFU-mit suliarineqartut amerlassusii:

Ukioq	Itigartitsissutigineqarpoq	Akuerineqarpoq	Uternissaq	Katillugit
2024	6	135	11	152

Tabel 2-mi 2024-mi siusinaartumik pensionisiaqalernissamik qinnuteqaatit TFU-mi suliarineqartut amerlassusii takutinneqarpoq. Suliat katillugit 152-it suliarineqarput. Qinnuteqaatini 135-t akuerineqarput, imaapporlu innuttaasut siusinaartumik pensionisiaqalernissamik tunineqartut tassaasut sulisinnaassutsimikkut ataavartumik piginnaanikillisisimanagerat pissutigalugu tunineqartut. Qinnuteqaatit arfinillit itigartinneqarput, siusinaartumik pensionisiaqalernissamut piumasaqaatinik naammassinnissimangimmata. Suliani 11-ni TFU sulianik utertitsivoq, paasissutissat uppersaatilluunniit amigaataanerat pissutigalugu, taakkulu suliap naammassineqarnissaanut pisariaqartuupput.

Tabeli 3: Siusinaartumik pensionisiaqalernissamik qinnuteqartut ukiunut agguataarneqarnerat, TFU-p suliarisai:



Diagrammi siusinaartumik pensionisiaqalernissamik qinnuteqaatit, TFU-mi 2024-mi suliarineqartut qanoq amerlatiginerinik takutitsivoq, taakku ukiunut agguataarlugit. Qinnuteqartut 56-65-it akornanni ukiullit amerlanerunerat ersarippoq. Ukioqatigiiat taakku sulianit allanit, 80-it sinnerlugit suliasartallinnit, amerlanerupput.

Ukioqatigiiaat sinneruttut immikkoorlutik ikinnerusunik suliassartaqarput, taakku assigiikannersumik inissisimapput, ukioqatigiiaanili 26 – 35-ni suliassat amerlassutsimikkut appasinnerpaamik inissisimapput.

#### Siusinaartumik pensionisialinnut akigititat malillugit agguataarneqarneri

Siusinaartumik pensionisiat pillugit Inatsisartut inatsisaat nr. 40, 9. decembari 2015-imeersoq malillugu sulisinnaassutsimik naliliineq tunngavigalugu siusinaartumik pensionisiaqalernissaq aalajangiisoqassaaq. Taamatuttaaq siusinaartumik pensionisiassat qaffasissusia qinnuteqartup sulisinnaassusia malillugu aalajangersarneqartarpoq, ilaatigullu maannakkut isertitai tapisiaalu malillugit naligiissarneqartarpoq.

#### **Ingerlatsivimmit aningaasatigut sulisoqarnikkullu naliliinerit**

Siusinaartumik pensionisiallit amerleriarnersa malitsigissavaa aningaasartuutit amerleriarnerat. Siunissamili suliassaqarfimmi aningaasartuutissat siumut naatsorsoruminaapput.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatillit**

- Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq
- Oqartussaasoqarfiit assigiinngitsunik suliiallit isumaginninnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-imeersoq.
- Kommuneqarfik Sermersuumi inersimasut atugaat pillugit suliatigut assigiinngitsutigit suleqatigiinnermi ileqqoreqqusaq

#### **Ilanngussat**

Ilanngussaqaanngilaq.

## **Punkt 5: Ingerlatsinermik nakkutillineq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.



## Ingerlatsinermik nakkutilliineq pillugu ilisimatitsissut

Nakkutilliineq pivoq agusti - septembari 2024

Ilisimatitsissut

SagsID.: EMN-2025-00163

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititaq aamma Utoqqarnik Isumassuinnermullu Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Inuit innarluutilit tapersorsorneqarnissaannut Inatsisartut inatsisaat nr. 13, 12. juuni 2019-imeersoq malillugu kommunimi najugaqarfinni nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini, Isumaginninnermi suliassaqarfimmi nakkutilliisarneq pillugu Kommuneqarfik Sermersuumit ukiumut ingerlatsinermik nakkutilliineq ingerlanneqartarpoq.

Nakkutilliinerni siunertaasarpoq pitsaassutsinut qulequttat arlallit tunngavigalugit suliffeqarfiup pitsaassusianik nassuiaateqarnissaq naliliinissarlu, taakkununga najugaqartut namminneq inuunerminnut sunniuteqarsinnaanerat, neqeroorutip suliatigut ingerlanneqarnerini periutsit kiisalu aaqqissugaaneq aqutsinerlu ilanngullugit. Pitsaassutsimut tunngasut Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. agusti 2021-meersumi aalajangersarneqarput.

Nakkutilliinerni ajornartorsutaasut paasiniarneqartarput pitsanngorsaatissatullu periarfissanik innersuussisoqartarpoq. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2024-mi aggutsimiit septembarimut nakkutilliinerit sisamaasut nassuiaatigineqarput, tassaasut:

- Najugaqatigiiffik Blok 9
- Najugaqatigiiffik Pakkutaq
- Nuummi najugaqatigiiffiit
- Utoqqaat najugaqatigiiffiat, Utoqqallak, Qeqertarsuatsiaat

Ilanngussaq 1-imi nakkutilliinnermut nalunaarusiat ataatsimut eqikkarneqarneri ataatsimoortinneqarput, taakkunani inerniliinerit pingaarnerit innersuussutillu eqikkarneqarput. Tullinnguuttuni nakkutilliivigineqartunut inerniliinerit innersuussutaasullu ataasiakkaat erseqqissaatigineqarput.

Ingerlatsivimmit aalajangerneqarpoq, nakkutilliinerni nalilersuutit ingerlatsinermi naammassineqartut nutaat ineriartortinneqarnerannut atatillugu atorunnaarsinneqassasut. Nalilersuinnermi angusat 1 - 5 atorlugit nakkutilliinnermi neqeroorummi piumasaqaatit qanoq naammassineqarnerisut allaqqavoq. Misilittakkat paasinarsisippaat, nakkutilliinnermi nalunaarusiami sunerpiaq imaqarnera innersuussutillu qanoq suliarineqarneri sullitanit amerlanertigut ukkatarineqartarput.



## Inunnut innarluutilinnut tarnikkullu nappaatilinnut Immikkoortortaqarfik - Nuuk (nakkutilliinermi nalunaarusiat pingasut)

- Najugaqatigiiffinni assigiinngitsuni paasissutissanik najoqqutassanik aaqqissuussinissamut sinaakkusersuinissamullu qulakkeerinissaq iluaqutaanerusinnaavoq. Paasissutissat pitsaaqutitut assigiissaagaasinnaapput najukkanut naleqqussakkat.
- Blok 9-mi najugallit ineriartornerinut killiffiilu pillugit nalunaarusiornermi allaffissat nutaat atulernikuupput.
- Neqeroorutini tamani ullormut nalunaarsuutininik atuinerulerneq takussaavoq. Taamaakkaluartoq uppersaasarsuineri perorsaanikkut suliniuteqartoqarnissaa suli takussutissartaqartariaqartoq pisariaqartinneqarpoq.
- Pakkutaq peqqissutsikkut sulialinnit ilitsersuutininik aammalu peqqissutsimut sulianut naammassisanut uppersaatinik amigaateqarpoq.
- GetOrganizedimik atuutsilersitsinissaq (kommunimi elektroniskimik journalilersuisarneq) suli ingerlavoq. GetOrganizedip atornerqarnera siuarateqartoq takuneqarsinnaavoq
- Blok 9-mi najugallit arlallit akornanni uffartoqartannginneranik/iluamik uffartannginnerannik ajornartorsiuteqartoqarpoq
- Pakkutaq-mi ulluinnarni sammisat siuarateqarfiupput
- Najugaqatigiiffiit arlallit aserfallassimapput nutartertariaqarlutillu

Nakkutilliisup oqaaseqaatai innersuussutaalu tunngavigalugit najugaqatigiiffinni Inunnut innarluutilinnut tarnikkut nappaatilinnullu Immikkoortortaqarfimmi Fagchefti suleqatigalugu suliniutinik aallartitsinikuupput.

## Utoqqarnik sullissineq - Qeqertarsuatsiaat (nakkutilliinermi nalunaarusiaq ataaseq)

- Utoqqaat najugaqatigiiffianni ataavartumik ilitsersuisoqarnissaa, avitseqatigiittoqartarnissaa aammalu Nuummi suliatigut suleqatinut aqutsisunullu kaammattuisarnissaq pisariaqarpoq.
- Utoqqaat najugaqatigiiffiat aqutsisutaarpoq aqutsinermik misilittagalimmik Ataatsimut isigalugu aqutsinerup iluani, IT-mut allagaatinillu nalunaarsuineri sulisinnaasoqanngilaq.
- Utoqqaat najugaqatigiiffiani paaqqutarinninnerup pitsaassusia qulakkeerneqassaaq, piginnaasanik ineriartortitsineq malitseqartitsinerlu pingaarnertut aqqutigalugit

Nakkutilliisup oqaaseqaatai innersuussutaalu tunngavigalugit utoqqaat illuat Utoqqarnik suliassaqarfimmi fagchefti suleqatigalugu suliniutinik aallartitsisoqarpoq. Utoqqaat najugaqatigiiffianni IT-mik atuineri suli ineriartortitsisoqartariaqarpoq, qarasaasianik nutaanik marlunnik pisinikkut, tamatuma kingornagut aqutsisoq qarasaasiaq atorlugu avitseqatigiilluni ataatsimiinnerni peqataasinnaalersillugu. Tamatuma saniatigut utoqqaat najugaqatigiiffianni najugallit sammisaqartittarnerat pillugu ukiumoortumik pilersaarummik suliaqartoqarpoq.

## **Ingerlatsivimmit aningaasatigut sulisoqarnikkullu naliliinerit**

Aningaasatigut allaffissornikkullu kinguneqanngilaq.

## **Suliffeqarfirmut Kiffartuussivimmit aningaasatigut naliliineq**

Pisariaqanngilaq.

## **Inatsisitigut tunngavissaq allakkallu tunngaviusumik uppersaatiillit**

- o Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. agusti 2021-meersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-meersoq

## **Ilannussat**



1. Nakkutilliilluni nalunaarusiat ataatsimut eqikkarneri
2. Blok 9-mi nakkutilliinermi nalunaarusiaq 2024
3. Pakkutami nakkutilliinermi nalunaarusiaq 2024
4. Nuummi Najugaqatigiiffiit nakkutilliivigineqarnerinit nalunaarusiat 2024
5. Qeqertarsuatsiaani utoqqaat najugaqatigiiffianni Utoqqallammi nakkutilliinermi nalunaarusiaq 2024

## **Punkt 6: Isumaginnittoqarfimmit inissianut innersuussisarneq pillugu ilisimatitsineq 2024**

### **Beslutning**

Ilisimatitsissut tusaatissatut tiguneqarpoq.



# Isumaginnittoqarfimmit inissianut innersuussisarneq pillugu ilisimatitsineq 2024

Ilisimatitsissut

SagsID.: EMN-2020-28184

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu

Innarluutilinnut Ataatsimiititaq inassuteqaatigineqarpoq:

- ilisimatitsissut tusaatissatut tiguneqassasoq

## Suliassamik saqqummiussineq

Suliffeqarnermut Isumaginninnermullu Ingerlatsivimmit isumaginnittoqarfimmit inissiat pillugit

ilisimatitsissut saqqummiunneqarpoq aamma Meeqqanut Ilaqutariinnullu Ingerlatsivimmit

ataatsimiititanut attuumassuteqartunut ilisimatitsissut assingusoq saqqummiunneqassaaq.

Ilisimatitsissummi maannakkut utaqqisut allattorsimaffiat kiisalu 2024-mi inissiat tunniunneqartut amerlassusaat takutinneqarput.

Kommuneqarfik Sermersuumi innuttaasut pisariaqartitsisut piumasaqaatit aallaavigalugit initaarsinnaatitaasutut nalilerneqartut isumaginninnikkut inissianik tunineqarsinnaapput.

Nuummi Inissiaqarnermut tulleriissaarisartut (BVU), Meeqqanut Ilaqutariinnullu Ingerlatsivimmit aamma Suliffeqarnermut Isumaginninnermullu Ingerlatsivimmeersunik ilaasortaqaartut innersuussisarnermi nalilersuutit malillugit nalilersuisarput tunniussisarlutillu. Kommuneqarfik Sermersuumi illoqarfinni tamani, tassunga ilanngullugu Ittoqqortoormiini, Tasiilami aamma Paamiuni BVU ataaseq pilersinneqarnikuuvoq. Ilaasortat katitigaanerat assigiinngisitaarsinnaavoq, 2018-imili ileqqorequsat malillugit assigiinnik pingaarnertut najoqqutassaqaarput.

Inissiaatileqatigiiffiit Ini aamma Iserit isumaginninnikkut inissamat tunniussassamik inissaateqaleraangamik kommunimut saaffiginnittarput. Tamatuma kingorna inissiaq innuttaasumut utaqqisut allattorsimaffianiittumut tunniunneqartarpoq. Kommunip inissiat atorneqanngitsut 25 %-ii isumaginninnikkut inissiatut neqeroorutaasussanngorlugit Iserit isumaqatigiissuteqarfigaa.

Inissiaqarnermut tulleriiaarisartut isumagisassaraat:

- isumaginnittoqarfik aqqutigalugu inissianik agguaatassanut qinnuteqaatit akuerisat pingaarnersiukkat pillugit utaqqisut allattorsimaffiannik suliqaarneq nutarterinerlu.
- utaqqisut allattorsimaffianni qinnuteqartut ataasiakkaat pingaarnersiorneqarnerat pillugu tulleriiaarilluni ingerlaavartumik isummerfiginninneq.

Ilisimatitsissutitut massakkut kisitsisit imaapput:

<b>Illoqarfik</b>	<b>Suliffeqarnermut Isumaginninnermullu Ingerlatsivimmi utaqqisut allattorsimaffianiittut amerlassusaat</b>	<b>Illoqarfik</b>	<b>Meeqqanut Ilaqutariinnullu Ingerlatsivimmi utaqqisut allattorsimaffianiittut amerlassusaat</b>
Nuuk	25	Nuuk	72



Paamiut	12	Paamiut	10
Tasiilaq	11	Tasiilaq	2
Ittoqqortoormiit	0	Ittoqqortoormiit	0

2024-mi inissiat tunniunneqartut amerlassusaat, illoqarfinnut, inissiaatileqatigiiffinnut ingerlatsivinnullu agguataakkat:

Illoqarfik	Iserit		Ini		Katillugit
	Meeqqanut Ilaqutariinnullu Ingerlatsivik	Suliffeqarnermut Isumaginninnermullu Ingerlatsivik	Meeqqanut Ilaqutariinnullu Ingerlatsivik	Suliffeqarnermut Isumaginninnermullu Ingerlatsivik	
Nuuk	15	7	4	3	<b>29</b>
Paamiut	0	0	3	2	<b>5</b>
Tasiilaq	2	0	0	0	<b>2</b>
Ittoqqortoormiit	0	0	1	0	<b>1</b>
<b>Katillugit</b>	<b>17</b>	<b>7</b>	<b>8</b>	<b>5</b>	<b>37</b>

**Ingerlatsivimmit aningaasatigut sulisoqarnikkullu naliliinerit**  
Pisariaqanngilaq.

**Suliffeqarfimmut Kiffartuussivimmit aningaasatigut nalilineq**  
Pisariaqanngilaq.

**Inatsisitigut tunngavissaq allakkallu tunngaviumik uppersaatillit**

- Inissiat attartortittakkat pillugit Inatsisartut peqqussutaat nr. 2, 12. maaji 2005-imeersoq
- BVU pillugu ileqqoreqqusaq 2018-imeersoq

**Ilanngussat**  
Ilanngussaqqanngilaq.

## **Punkt 7: Danmarkimi STU-miinnissamut akuersissut**

### **Beslutning**

Ilisimatitsissut tusaatissatut tiguneqarpoq.



## Danmarkimi STU-miinnissamut akuersissut

Ilisimatitsissut

SagsID.: EMN-2025-01297

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu

Innarluutilinnut Ataatsimiititamut inassuteqaatigineqarpoq:

- ilisimatitsissut tusaatissatut tiguneqarpoq

### Suliassamik saqqummiussineq

Suliffeqarnermut Isumaginninnermullu Ingerlatsivimmit Inuit innarluutilit

tapersorsorneqarnissaannut Inatsisartut inatsisaat nr. 13, 12. juuni 2019-imeersumi § 49 Imm. 2.

aammalu § 50 malillugu innuttaasup Danmarkimi ukiuni pingasuni STU-miinnissaa

akuersissutigineqarpoq. Danmarkimi STU-miinneq innuttaasup atugarissaarnera inuuniarnikkullu

atugaa pitsanngussasut, kiisalu inersimasunngornissami nammineernerulernissamut

inerisaataassasoq nalilerneqarpoq.

### Ingerlatsivimmit aningaasatigut sulisoqarnikkullu naliliinerit

STU-mi ilinniartuuneq ukiumut 253.292 koruuninik akeqartarpoq, taamaalilluni ukiuni pingasuni

759.876 koruuninik akeqassaaq. Inunnullu innarluutilinnut tarnimikkullu nappaatilinnut

Immikkoortortaqarfik missingersuutini killiliussat iluanniinnarnissaat suliniutigissavaa.

### Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik suliamut aningaasaqarnermut tunngasunik

oqaaseqaatissaqanngilaq.

### Inatsisitigut tunngavissaq allakkallu tunngaviusumik uppersaatillit

- o Inuit innarluutilit tapersorsorneqarnissaannut Inatsisartut inatsisaat nr. 13, 12. juuni 2019-imeersooq

### Ilanngussat

Ilanngussaqaanngilaq.

## **Punkt 8: Nuummi Koefods Skolemut naatsorsuutit ukiumoortumillu nalunaarusiaq 2024**

### **Beslutning**

Inassuteqaaitt akuersissutigineqarput.

### **Bilag**

Nuummi Kofoeds Skolep naatsorsuutai 2024

Nuummi Kofoeds Skolemi sulineq pillugu nalunaarusiaq 2024

Ukiumut pilersaarut 2025

Kukkunersiusartup attuumassuteqanngitsup suliniummut naatsorsuutitut oqaaseqaatai

Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akunnerminni Ingerlatsinermit aamma suleqatigiinnissamik isumaqatigiissutaat (2019-imeersoq)

## **Nuummi Kofoeds Skolemut naatsorsuutit ukiumoortumillu nalunaarusiaq 2024**

Aaliangiiffigisassaq

SagsID.: EMN-2025-00945

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsivimmit Isumaginninnermut Innullu Innarluutilinnut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq
2. Ingerlatsivik Kofoeds Skolemik nalilersuinissamut piginnaatinneqassasoq tamannalu tunngavigalugu nutaamik suleqatigiinnissamik isumaqatigiissusiornissamut saqqummiussassaliorsinnaasoq

### **Suliassamik saqqummiussineq**

Kommuneqarfik Sermersooq 2018-imi Nuummi Kofoeds Skolemik ingerlatsinermut suleqatigiinnissamullu isumaqatigiissusiorpoq. Isumaqatigiissut naapertorlugu Nuummi Kofoeds Skole ukiut tamaasa kvartalit siullianni ukiup siuliani ingerlasimaneq pillugu ukiumoortumik naatsorsuutiniq saqqummiussaqaartassaaq, allakkatigullu nalunaarusiortassalluni, ilaatigut isumaqatigiissummi anguniarneqartut pillugit nalilersuinermik malitseqartitsinermillu imalimmik.

Nuummi Kofoeds Skole nalunaarpoq, 2024-mi 160-t missaannik atuartuuteqarsimallutik, agguaqatigiissillugu 23-t ullormut takkuttarlutik.

Ingerlatsinermut isumaqatigiissut naapertorlugu Kofoeds Skole atuartut naammagisimaarinninnerat atuarfimmilu pissarsiaqarneq pillugu misissuisussaataavoq. Misissuinermit apeqqutit aalajangersakkat pingasuupput, taakkununga ilaallutik naammagisimaarinninneq qanoq qaffasitsigisoq ingerlatsinermut suleqatigiinnissamullu isumaqatigiissut naapertorlugu aalajangerneqartoq. Kofoeds Skolemi decembarip qaammataani 27-nik peqataaffigineqartumik misissuineq ingerlanneqarpoq. Misissuinermit angusat naammaginarput apeqqutinit katillugit pingasuusunit marlunni anguniakkat aalajangersakkat eqqarsaatigalugit.

Apeqqut, ingerlatsinermi isumaqatigiissummi anguniakkatut aalajangersarneqartumik naammassinniffiunngitsoq tassaavoq: "Atuarfik qanoq naammagisimaartiginerit paaserusupparput?" Tassani atuartut 70%-iisa trinit tallimat atorneranni qaffasinnerpaaq taasimavaat, akerlianik naammagisimaarinninnertut aalajangersagaq 80%-iulluni. Kisianni Ingerlatsivimmit akuersarneqarpoq, misissuinermit angusat 2023-mi angusarineqartunit pitsaanerummata, aammalu Kofoeds Skole 2024-mi siornatigumut naleqqiullugu tamakkiisumik misissuisitsisimammat.

Februaarip ulluisa 20-anni 2025 suliniummut naatsorsuutit 1. januar 2024 – 31. december 2024-mut atuuttut Nuummi Kofoeds Skolemi suliarineqarput siulersuisunillu akuersissutigineqarlutik. Kukkuersiuisut Martinsen Statsautoriserede Revisionspartnerselskab avataaneersut naatsorsuutiniq kukkuersiuiupput akuersissuteqarlutillu.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersooq 2024-mi 5,48 mio. koruuninik aningaasaliissuteqarpoq. Kofoeds Skole 2024-mi 0,2 mio. koruuninik amigartooruteqarpoq. Aningaasartuutit amerlanerpaat aningaasarsianut pensionisianut, illumut akiliutinut aammalu 2023-mi amigartoorutinit nuunneqartunit 0,4 mio. kr.-nut attuumassuteqarput.

Kofoeds Skole-mit erseqqissaatigineqarpoq, Kommuneqarfik Sermersuumit aningaasaliissutini ingerlaavartumik akitigut allanngoriartorneq ilaatinneqarneq ajortoq, taamaattumillu maannakkut missingersuutaasut iluanni sulinissaq ajornakusoortuusoq. Taamaattumik ingerlatsinermut isumaqatigiissut pillugu Kofoeds Skolemit Kommuneqarfik Sermersuumik oqaloqateqarnissaq pisariaqartinneqartorujussuuvoq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq

#### **Inatsisitigut tunngavissaq allakkallu tunngaviusumik uppersaatiillit**

- Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akunnerminni Ingerlatsinermut aamma suleqatigiinnissamik isumaqatigiissutaat (2019-imeersoq)

#### **Ilanngussat**

1. Nuummi Kofoeds Skolep naatsorsuutai 2024
2. Nuummi Kofoeds Skolemi sulineq pillugu nalunaarussiaq 2024
3. Ukiumut pilersaarut 2025
4. Kukkunersiusartup attuumassuteqanngitsup suliniummut naatsorsuutinit oqaaseqaatai
5. Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akunnerminni Ingerlatsinermut aamma suleqatigiinnissamik isumaqatigiissutaat (2019-imeersoq)
6. Immikkoortoq matoqqasoq: Kofoeds Skole Nuuk Industrivej 2A-miit Industrivej 20-imut nuutinneqassasoq pillugu Suliamik saqqummiussissut 16. agusti 2022-meersoq

## **Punkt 9: Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummik nutarterineq**

### **Beslutning**

Inassuteqaat akuersissutigineqarpoq.

### **Bilag**

Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummut nutaamut siunnersuut

Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarut piousoq

Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummut allannguutit sungaartumik ersarissarneqarput

## **Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummik nutarterineq**

Aalajangiiffigisassaq

SagsID.: EMN-2024-02880

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Isumaginninnermut Innullu Innarluutilinnut Ataatsimiititamut kiisalu Utoqqarnik Isumassuinnermullu Ataatsimiititamut inassuteqaatigaat:

1. Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarut nutaaq akuerineqassasoq.

### **Suliassamik saqqummiussineq**

Kommunalbestyrelsip aqutsinermi ileqqoreqqusaq aamma kommunimi pingaarnertut piginnaatitsinermik agguataarinissamut pilersaarut tunngavigalugit politikikkut ataatsimiititanut allaffeqarfinnullu kommunimut ingerlatsinermut aalajangiisinnaatitaanermut oqartussaanerup ilaa agguataarnikuuaa. Matumani piginnaatitsinermik agguataarinissamut pilersaarut Suliffeqarnermut Isumaginninnermullu Ingerlatsivimmi inissisimavoq, tassani piginnaasat suliassa qarfiup iluani sukumiinerusumik agguataarneqarlutik.

Piginnaatitsinermik agguataarinissamut pilersaarutit allattukkat assigiiartumik sullissinissamut qulakkeerinneqataasarput saniatigullu allaffissornermi aqutsisunut sulisunullu najoqqutassaapput pingaarutillit.

Suliffeqarnermut Isumaginninnermullu Ingerlatsivimmit piginnaatitsinermut agguataarinissamut pilersaarutini pingaarnertut nutarterneqarneri imaluunniit inatsisitigut allannguutit il.il. pissutigalugit piginnaatitsinermut agguataarinissamut pilersaarutit akulikitsumik nutarterneqartariaqartassasut nalilerneqarpoq.

Piginnaatitsinermik agguataarinissamut pilersaarummut nutaamut siunnersuut ilanngussami 1-imiippoq. Immikkoortut arlallit kommunimi pingaarnertut piginnaatitsinermik agguataarinissamut pilersaarummi ilaareemata peerneqarnikuupput.

Immikkoortoq "Ingerlatsiviup suliassa qarfi"-mik taaguuteqartoq "Ingerlatsivik politikkerinillu peqataatitsineq"-nngorlugu taaguuteqalersinneqarpoq.

Immikkoortoq ataatsimiititap ilisimatitsissutit uteqattaarneqartut pillugit aalajangigaanut naleqqiullugu nutarterneqarpoq.

Immikkoortoq "Aningaasaliissuteqarsinnaatitaaneq" nutarterneqarpoq, taamaalilluni piginnaatitsinermik agguataarinissamut pilersaarummi fagcheft aningaasaliisnaatitaanerit kisimi aalajangersarneqarpoq, suliassa qarfillu, suliatigut aningaasatigullu nalilersuineq apeqqutaalluni, sullissisunut, suleqatigiinni aqutsisunut immikkoortortamilu aqutsisumut aningaasaliissutit qaffasissusaat aalajangersarneqarput. Taamatuttaaq pisortap aamma fagcheft aningaasaliisnaassusiat piginnaatitsinermik agguataarinermut pilersaarut malillugu qaffanneqarput, sinaakkutillu missingersuutinut tunngasut aamma suliassaareersut ersarissarneqarlutik.

Ingerlatsivimmit allannguutaasunut ataasiakkaanut oqaaseqaataasut ilanngussami kolonnemi qulaani talerperlermi allasimapput.

**Ingerlatsivimmit aningaasatigut sulisoqarnikkullu naliliinerit**

Piginnaatitsinermik agguataarinissamut pilersaarusionermik nutarterineq matumani pineqartoq kommunimut aningaasatigut kinguneqarnissaa naatsorsuutigineqanngilaq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuumut piginnaatitsinermik agguataarinissamut pilersaarut

**Ilanngussat**

1. Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummut nutaamut siunnersuut
2. Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarut piousoq.
3. Suliffeqarnermut Isumaginninnermullu Ingerlatsivimmi piginnaatitsinermik agguataarinissamut pilersaarummut allannguutit sungaartumik ersarissarneqarput

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14:33